

極許君攜手一同歸

瀟灑優游

道人久已泯耳目瀟灑自如脫拘束朝從扶桑日頭起暮去崑崙  
崙雲腳宿青牛過關知幾年此道分明在眼前昨夜瑤琴三疊  
後一天風冷月娟娟

了道度人

鐵笛雙吹破曉烟相逢又隔幾年曾將物外無爲事付在毫  
端不盡傳白髮數莖君已老青雲幾度我當先世間窮究只如  
此何若同遊歸洞天

總咏內事

道藏輯要

三丰全集

玄要篇上

三

續畢集八

清淨身心修內藥栽培氣血返童姿借他鉛鼎尋真種點我凡  
軀入聖基十月懷胎加漫火九年面壁養靈兒嫦娥最愛兒年  
少夜夜笙歌宴玉池

總咏外事

真鉛真汞結夫妻兩意交歡產箇兒幼子成人離祖業玄孫主  
事建新基恢宏家道成三業大展門庭第九枝滿室堆金何足  
羨但看拔宅住瑤池

詠先天鼎

二七誰家女眉端彩色光人皆貪愛慾我看是親娘一點靈丹  
透渾身粉汗香雲時乾我汞換骨作純陽